

» ЖОЛДАУҒА ҚОЛДАУ

ЦИФРЛЫ БІЛІМ ТАБЫСҚА ЖЕТЕЛЕЙДІ

XXI ғасыр адамзат өмірінің барлық саласына жағымды жаңалық енгізіп қана қоймай, жаңа мамандықтарды да ала келді. Адам баласы XX ғасырда қажетсінбеген, тіпті естіп-білмеген сан түрлі кәсіп иелері пайда болуда.

Жаңа мамандықтардың басымы бөлігі нарықтық экономиканың өз күшіне мініп, IT саласының ілгері дамуына байланысты ортамызға жетіп отырғаны белгілі. Мемлекет басшысы Қасым-Жомарт Тоқаев өткен жылы жариялаған «Халық бірлігі және жүйелі реформалар – ел өркендеуінің берік негізі» атты Қазақстан халқына Жолдауында қазіргі заманда бәсекеге қабілеттіліктің басты факторының бірі барынша цифрландыру екеніне назар аударып: «...отандық IT-секторды дамытып, күшейте түсу де маңызды. Елімізге жас, білімді әрі ынталы мамандар керек. Цифрландыру жөніндегі ұлттық жобаның аясында кемінде 100 мың

жоғары білікті IT маман даярлау қажет» деген болатын. Болашақта мемлекеттер арасындағы бәсеке халықтың компьютерлік сауатымен, жаңа технологияны енгізу қарқынымен өлшенеді. Цифрлық экономика қай деңгейде болса да IT-мамандарға сұраныс азаймайды. Жаңа заманның талабына сай цифрлы білім, ғылым және технологиялар табысқа жеткізетін жол.

**Г.ӘМІРХАНОВА,
Ж.МЫРЗАБЕКОВА,
Ж.ОРДАБАЕВА,
Н.АБДІҚАДЫРОВА,
Р.АБДРАХМАНОВА,
М.ӘУЕЗОВ атындағы ОҚУ
колледжінің
магистр-оқытушылары**